



Broj: 14-14-3-18726-9/18
Zenica, 01.02.2019. godine

Na osnovu člana 69. stav (2). tačka d) i člana 70. stav 1., 4. i 6. Zakona o javnim nabavkama („Sl. glasnik BiH“, broj 39/14), Zapisnika o pregledu i ocjeni ponuda broj: 14-14-3-181726-8/18 od 31.01.2019. godine u postupku javne nabavke „Nabavka i isporuka auto guma, auto kozmetike i akumulatora za vozila“, Zeničko-dobojskog kantona, Direktor Službe za zajedničke poslove Zeničko-dobojskog kantona, d o n o s i:

ODLUKU

o poništenju postupka javne nabavke „Nabavka i isporuka auto guma, auto kozmetike i akumulatora za vozila“

Član 1.

Poništava se postupak javne nabavke „Nabavka i isporuka auto guma, auto kozmetike i akumulatora za vozila“ Zeničko-dobojskog kantona, u skladu sa članom 69. stav (2) tačka (d) Zakona o javnim nabavkama.

Član 2.

Ova odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđačima koji su učestvovali u postupku javne nabavke, a u skladu sa članom 70. stava (6) Zakona o javnim nabavkama.

Član 3.

U skladu sa članom 71. stav (2) Zakona o javnim nabavkama, uz Obavještenje o rezultatima postupka dostavit će se Odluka o poništenju postupka javne nabavke i Zapisnik o pregledu i ocjeni ponuda, ponuđačima koji su učestvovali u postupku javne nabavke.

Član 4.

Za realizaciju ove Odluke zadužuje se Služba za zajedničke poslove.

Obrazloženje

Služba za zajedničke poslove je na osnovu Odluke o pokretanju postupka javne nabavke „Nabavka i isporuka auto guma, auto kozmetike i akumulatora za vozila“ Zeničko-dobojskog kantona, broj: 14-14-3-18726/18 od 31.12.2018. godine, pokrenula postupak javne nabavke.

Javna nabavka je provedena Otvorenim postupkom sa predviđenim zaključenjem okvirnog sporazuma na 3 (tri) godine.

U Planu javnih nabavki procijenjena vrijednost nabavke iznosi do 75.000,00 KM bez PDV-a.

Ugovorni organ je, dana 31.12.2018. godine, objavio obavještenje i tendersku dokumentaciju na portalu javnih nabavki, broj Obavještenja o nabavci: 771-1-1-27-3-29/18.

Komisija za provođenje postupka javne nabavke, koja je imenovana Rješenjem, broj: 14-14-3-18726-1/18 od 31.12.2018. godine, blagovremeno je izvršila javno otvaranje ponuda, te u Zapisniku od 31.01.2018.godine, konstatovala su u predviđenom roku pristigle četiri ponude, ponuđača: EURO DAM-JAS d.o.o. Lukavac, AUTOELEKTRA d.o.o. Sarajevo, UNITRADE d.o.o. Ljubuški i TOTAL TRADE d.o.o. Dobož.

Nakon pregleda ponuda naprijed navedenih ponuđača, Komisija je u zapisniku, broj: 14-14-3-18726-8/18 od 31.01.2019.godine konstatovala sljedeće:

- Odbacuje se ponuda EURO DAM-JAS d.o.o. Lukavac jer ista nije u skladu sa tačkom 4.2. tenderske dokumentacije 5.4. i ponuđeni pneumatici ne zadovoljavaju karakteristike tražene tenderskom dokumentacijom. Naime, tačkom 5.4. propisano je da su ponuđači dužni uz ponudu

dostaviti Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma, a što isti nije učinio.

Dalje, u Obrascu za cijenu ponude – Anex 3 propisano je da svi ponuđeni pneumatici moraju zadovoljavati sljedeće karakteristike prema EU standardima (EC) br.1222/2009 od 01.11.2012. godine: Klasa pneumatika za potrošnju goriva minimalno C i Klasa pneumatika za kočiono prijanje na mokroj podlozi minimalno C, a ponuđena guma pod rednim brojem 6. ne ispunjava tražene karakteristike.

- Odbacuje se ponuda AUTOELEKTRA d.o.o. Sarajevo jer ista nije u skladu sa tačkama 4.2. i 5.4. tenderske dokumentacije i ponuđeni pneumatici ne zadovoljavaju karakteristike tražene tenderskom dokumentacijom. Naime, tačkom 4.2. propisano je da je ponuđač obavezan dostaviti jedan original i jednu kopiju ponude, međutim ponuđač AUTOELEKTRA d.o.o. Sarajevo je dostavio samo original ponude. Tačkom 5.4. propisano je da su ponuđači dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma, a što isti nije učinio.

Dalje, u Obrascu za cijenu ponude – Anex 3 propisano je da svi ponuđeni pneumatici moraju zadovoljavati sljedeće karakteristike prema EU standardima (EC) br.1222/2009 od 01.11.2012. godine: Klasa pneumatika za potrošnju goriva minimalno C i Klasa pneumatika za kočiono prijanje na mokroj podlozi minimalno C, a ponuđene gume pod rednim brojevima 1., 2., 3., 4., 5., 6., 7., 8. i 10. ne ispunjavaju tražene karakteristike.

- Odbacuje se ponuda UNITRADE d.o.o. Ljubuški jer ponuđeni pneumatici ne zadovoljavaju karakteristike tražene tenderskom dokumentacijom. Naime, u Obrascu za cijenu ponude – Anex 3 propisano je da svi ponuđeni pneumatici moraju zadovoljavati sljedeće karakteristike prema EU standardima (EC) br.1222/2009 od 01.11.2012. godine: Klasa pneumatika za potrošnju goriva minimalno C i Klasa pneumatika za kočiono prijanje na mokroj podlozi minimalno C, a ponuđene gume pod rednim brojevima 1., 2. i 6. ne ispunjavaju tražene karakteristike.
- Odbacuje se ponuda TOTAL TRADE d.o.o. Doboj jer ponuđeni pneumatici ne zadovoljavaju karakteristike tražene tenderskom dokumentacijom. Naime, u Obrascu za cijenu ponude – Anex 3 propisano je da svi ponuđeni pneumatici moraju zadovoljavati sljedeće karakteristike prema EU standardima (EC) br.1222/2009 od 01.11.2012. godine: Klasa pneumatika za potrošnju goriva minimalno C i Klasa pneumatika za kočiono prijanje na mokroj podlozi minimalno C, a ponuđene gume pod rednim brojevima 8. i 10. ne ispunjavaju tražene karakteristike.

Ponude gore navedenih ponuđača se odbacuju na osnovu člana 68. stav 4. tač. i) Zakona o javnim nabavkama (Sl. Glasnik BiH broj: 39/14) jer ne ispunjavaju zahtjeve iz tenderske dokumentacije.

U skladu sa navedenim, Komisija je dala preporuku ugovornom organu da poništi postupak za „Nabavku i isporuku auto guma, auto kozmetike i akumulatora za vozila“, jer nijedna ponuda nije prihvatljiva za ugovorni organ.

Imajući u vidu sve naprijed navedeno, primjenom člana 69. stav 2. tačka d) Zakona o javnim nabavkama, odlučeno je kao u dispozitivu

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 4x ponuđači

1x tenderska dokumentacija

